



17. februar 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Aalisarnermut Inatsisip akuersissutigineqarnerata malitsigisaanik nalunaarutit nutarterneqartuni kilisaatit basisliniep avataanut inissinneqartussat qassi meter killigitinneqalerpa?
2. Kilisaatinik 40 meter sinnerlugu angissusillit sinerissap qanittuani aalisarsinnaanermut akuersissuteqartoqarpa aammalu taakkua sorliuppat?
3. Killeqarfiit eqqarsaatigalugit kilisaatit taakkua qanoq pilersaaruteqarfigineqarpat?
4. Nalunaarutini 40 meter ataallugu angissusillit sinerissap qanittuani aalisartut aammalu pisassaatillit angallataat uutiterisunngortinneqassagalarpat, basislinie 3 sømil avataanut nuutsinneqassappat?
5. Nalunaarutip taassumap nutarteqqinneqarnissaa Naalakkersuisut pilersaarutigivaat aammalu taamaassappat paragraf sorliit tamatumani eqqarsaatigineqarpat?
6. 2026-imut rejertassiissutit suliffeqarfinnut qanoq aggulugaappat?
7. Tunitsiviit Royal Greenland-ip ingerlatarivai aammalu Polar Seafood qassit ingerlatarivai?
8. Tunitsiviit Royal Greenlandimiit pigineqartuniit qassit imminut akilersinnaasumik ingerlappat? Qassillu imminut akilersinnaasumik ingerlanngillat? Tunitsiviillu sorliit tamatumani pineqarpat?
9. Naalakkersuisut allanik paasissutissaasinnaasunik peqarpat?

(Inatsisartunut ilaasortaq Erik Jensen, Siumut)

Tunngavilersuut:

Siumup nunaqavissut kalaallit tamakkiisumik nunatsinni ingerlanneqartut ineriartorteqqinneqarnissaat annertunerusumillu aningaasarsiornissaat sulissutiguarpaa.

Nunatsinniimmi aningaasat aniasut sapinngisarput tamaat atorlugu unitsinniarnissaat ilungersuutigiuassavarput, inuiaat kalaallit atugarissaarnerusut angorusukkatsigit. Taamaattumik Aalisarnermut Inatsisip suliffeqarfiit nunaqavissunik (100%-imik) maani nunami pigineqartut aammalu nalittorsarusuttut tamakkiisumik ilungersorluta sorsuutiguarpagut.

Aalisarnermut Inatsisip akuersissutigineqarnerata malitsigisaaanik nalunaarutit nutarterneqarput angallatit/kilisaatit qanoq angitigisut/takitigisut sinerissap qanittuani kiisalu avataasiorlutik aalisarnissaat pillugit. Tamatumunngalu atatillugu angallatit/kilisaatit 40 meterimiit mikinerusut uutiterisunngussagalarunik pisassaatiminnillu toqqaannaq avammut niuilerlutik, taava sinerissap



qanittuani aalisarsinnaanertik annaassaneraat. Tassa basisline 3 sømil avataanut inissinneqarsinnaanissartik aarlerissutigissaneraat paaseqqissaarneqartariaqartoq isumaqarpunga.

Apeqqutigineqartut ullut suliffiusut qulit iluanni akeqquneqarput.